



11

DEKLARÀCIA VASH O HAKAIJA

Dino jekhe manuśes astardo evroputno mandateça astarimasqo, manglipnaça provizorone astarimasqo ja ekstradiciaqo manglipnaça

Jekh krisårno dino delegàcia kotar o angluno prezidènti e dujtone kriselinaqo phandavda tut, pala so astarde tut odolesqe so sas jekh evroputno mandàti astarimasqo, jekh manglipe provizorone astaripnasqo ja jekh manglipe ekstradiciaqo. Akava lil seravel o şerutne hakaja/drèpturi/çaçimàta so si tut.

Şaj te dikåres akava lil sa o vaxt kana dikåren tut andre

Pinzaripe e infrakciaqo

Si tut hakaj/pråvo/drèpto te zanesh i kvalifikàcia, i dàta aj o than e infrakciaqi pala savi sas dino mamuj tuşe o evroputno mandàti e astarimasqo, o manglipe e provizorone astarimasqo ja o manglipe e ekstradiciaqo.

Ażutipe kotar jekh avokàti

Şaj te çhives avokàti ja te manges avokàti e themesar.

Şaj te biçhales aj te xutres lila kotar o avokàti mestesh, lesqe musaj te phenen kana puçhlåren tut aj ov şaj avel tuça k-o puçhlårimàta. Ov şaj te dikhel to dosari.

Hakaj te na vakeres

Kana nakhes k-i livni e investigaciaqi, sar kames tu, şaj te keres deklaràcie, te des len anglal so puçhen tut ja te na vakeres.

Ażutipe kotar jekh rinçhibårno/tromàci

Te na vakerdån ja te na halõvdan francikanesh, si tut hakaj/drèpto/pråvo te ažitinel tut bi lovenqo jekh rinçhibårno/tromàci k-o puçhlårimàta thaj kana des duma te avokateça.

Şajipe te akceptuis te biçhalen tut

Si tut hakaj/drèpto/çaçipe te akceptuis ja te na akceptuis te den tut k-o Them savo rodel tut. I livni e investigaciaqi si te lel decizia maj sig, kana akceptuis. Te akceptuindan te biçhalen tut k-o Them savo rodel tut evroputne astarimasqe mandateça, naşti pal odova te paruves i godi aj ti decizia.

Vaxt sode şaj te dikåren tut k-o phandlipe aj hakaj te manges te mukhen tut

Akava vaxt umblal kotar ti akceptàcia ja na te biçhalen tut k-o Them savo rodel tut.

And-o sarkon momènti, şaj te manges kotar i livni e investigaciaqi te mukhel tut.

Informàcia varesave manuśenqe

Şaj te zanaves e manuśen kas tu kames, aj şeral te familiaqe manuśen, kaj phandavde tut.

Şaj te zanaves vi i konsulàta te Themesqi, te san avrutno.

Dikhlåripe k-o doktõri

Şaj te manges te zas k-o doktõri te dikhlårel tut.